

Mohammad Yusof lawat UNIMAS, santuni pelajar berkeperluan

KOTA SAMARAHAN: Timbalan Menteri Pendidikan Tinggi Dato Mohammad Yusof Apdal mengadakan lawatan ke Universiti Malaysia Sarawak (UNIMAS) semalam.

Kehadiran beliau disambut Pengerusi Lembaga Pengarah UNIMAS Tan Sri Datuk Seri Panglima Sulong Matjeraie dan Naib Canselor UNIMAS Profesor Datuk Dr Mohamad Kadim Suaidi bersama pengurusan UNIMAS yang lain.

Beliau telah mendengar taklimat perkembangan UNIMAS oleh Mohamad Kadim dan kemudiannya melakukan simbolik penanaman pokok Bucida di Dataran Bucida Canselori UNIMAS di sini.

Seterusnya, beliau menyantuni dua pelajar dari Kampung Melayu Kota Samarahan yang telah disambut oleh Timbalan Menteri Kemajuan Desa dan Wilayah Malaysia Datuk Rubiah Wang.



LAWATAN: Mohammad Yusof (duduk) menandatangani buku pelawat di UNIMAS semalam.

Mohammad Yusof telah menyerahkan sumbangan berupa Surat Tawaran Universiti dan Bantuan Bakul Makanan Madani kepada Farrah Irwayu Nur Ain Ilman (pelajar jurusan Asasi Sains Hayat dari UNIMAS).

Juga Alieya Suhaila Mo-

hammad Morshidi@Abdullah (pelajar Diploma Akauntasi Politeknik Mukah dengan surat tawaran Politeknik, wang pendahuluan pinjaman (WPP) daripada PTPTN berjumlah RM1,500 dan bantuan bakul makanan Madani.